

COVID-19 Ntaub Npog Qhov Ncauj: Ua Thiab Tsis Txhob Ua

Yuav tsum ua li no thaum twg koj mus yuav, muab looj, muab tshem lossis rov siv dua daim ntaub npog qhov ncauj.

Muaj ntau lub khw muag cov ntaub npog qhov ncauj. Yog tias ua tau no, mus yuav tej ntaub npog qhov ncauj los ntawm tej khw me (small businesses). Txuag cov ntaub npog qhov ncauj uas siv tim tsev kho mob rau cov neeg ua hauj lwm saib xyuas kev mob nkeeg.

Yog tias koj xaws ntaub npog qhov ncauj tom tsev, mus yuav tej khoom coj los xaws ntawd hauv online thiaj li tsis tas tawm mus nraum zoov.

Siv cov ntaub paj rwb 100% es muab tais ua ob tshooj los xaws koj daim ntaub npog qhov ncauj.

Ua ntej yuav siv daim ntaub npog qhov ncauj, ntxuav koj ob sab tes nrog xab npum thiab dej lossis siv tshuaj tua kab mob so koj ob txhais tes.

Koj daim ntaub npog qhov ncauj yuav tsum tab tom dhos nkaus koj lub qhov ncauj thiab qhov ntswg.

Yog tias daim ntaub npog qhov ncauj ntawd muaj ib txoj xov hlau nyob ntawm tus caj ntswm, kho txoj xov ntawd kom dhos rau koj tus caj ntswm.

Tsis txhob kov daim ntaub npog qhov ncauj thaum koj looj tau lawm.

Yog tias koj kov koj daim ntaub npog qhov ncauj lawm no, ntxuav koj ob sab tes lossis siv cov tshuaj tua kab mob rau koj ob sab tes

Thaum hle daim ntaub npog qhov ncauj no, tsis txhob hle pem hauv ntej tuaj. Xub tshem ob txoj hlua uas khuam ntawm pob ntseg tawm ua ntej.

Tom qab hle tag, ntxuav koj ob sab tes tam sim ntawd lossis siv cov tshuaj tua kab mob rau koj txhais tes.

Txhua zaus koj siv tag, muab cov uas yog daim ntawv npog qhov ncauj cuam pov tseg lossis muab cov uas yog ntaub rov ntshua thiab siv dua. Ua raws li cov lus qhia uas muaj nrog daim ntaub npog qhov ncauj.

Cia koj daim ntaub npog qhov ncauj qhuav tso mam rov looj dua. Tsis txhob siv daim ntaub npog qhov ncauj uas tseem ntub.

Thiab nco ntsoov tias, kuv daim ntaub npog qhov ncauj tiv thaiv tau koj thiab koj daim ntaub npog qhov ncauj yuav tiv thaiv tau kuv.

Yog koj xav paub ntshuv los yog xav paub xov xwm hais txog tus kab mob (COVID-19) mus saib hauv health.mn.gov.

Minnesota Department of Health
Communications Office
PO Box 64975 St. Paul, MN 55164-0975
651-201-4989
health.communications@state.mn.us
www.health.state.mn.us

05/26/20

COVID-19 Mask Do's and Don'ts (Hmong)

To obtain this information in a different format, call: 651-201-4989